

مرحوم آیت الله خسروی نین امام خمینی دن (ره) خاطره سی

امام دندیلر آقای بروجردی نین محضرینده بیر ساعت اولماغی انگلستان حکومتینه وئرمه رم.

امام دندیلر آقای بروجردی نین محضرینده بیر ساعت اولماغی انگلستان حکومتینه وئرمه رم.

بیر تعداد خارجی حاج آقا روح الله نین گؤروشونه گلمیشدیلر. اونلار دندیلر: اونلار قبول ائله ییب انگلستانا گلمه یی قبول ائله سه لر، چوخلو اروپا فلسوفلارینی اونلارین محضرینه گتیره روق کی فکر و علم لریندن داها چوخ استفاده اولونسون و اوردا بوردان آرتیق فایدالی اولارلار.



فارسین وئردیغی خبره گؤره، آیت الله حاج شیخ عزیزالله خسروی زنجانی (متوفی 1374) آیت الله العظمی بروجردی و امام خمینی نین شاگردلریندن ایدی.

بوردا آیت الله حاج شیخ عزیزالله خسروی زنجانی نین امام خمینی اینن بیر خاطره سینی نقل ائدیریک:

بنده آقای خمینی نین فقه درسینی گؤرمه میشم. او زمان بیز قم شهرینده اولوردوق و اونلار حکمت درسینی وئردیلر. اولده اونلارین درس یئری فیضیه نین حجره لرین بیری ایدی. بیز تقریباً 10-15 نفر درسه شرکت ائلدوق.

آقای خمین آقای بروجردی نین پانیندا چوخ منزلتی واریدی. بیر گون انگلستان حکیم لریندن آقای بروجردی نین محضرینه گلمیشدیلر و نچه فلسفی سؤال سوروشموشدولار. آقای بروجردی اونلاری او زمان «حاج آقا روح الله» معروف اولان آقای خمینی به ارجاع وئرمیشدی. آقای خمینی ده آقای بروجردی بیتی نین آپری اوتاغیندا اونلارین سؤاللارینا جواب وئرمه یی مشغول اولموشدو.

اتفاقاً من ده چاتدیم. آقای بروجردی نین مهم ایشلری نین عمده سی الینده اولان جناب فاضل قفقازی (آیت الله فاضل لنکرانی نین آتاسی) منیمله چوخ دوست ایدی و منیم آقای خمینی نین شاگردی اولدوغومو بیلیردی. منی گؤرماق همان تورکی دئییلینده دئی: آغا شیخ عزیزالله! بو یور بو اوتاغا.

منی او جلسه یه آپاردی. جالب جلسه ایدی. مترجم سؤاللاری آغایا و آغاینن جوابینی دا اونلارا ترجمه ائلیردی. اونلاردا قبول علامتی کیمی باشلارینی ساللیردیلر. بحثین آخیرینده اونلارین بیری مترجمه دئی: بیز بو سؤاللاری دنیانین مختلف اسلامی و غیر اسلامی و حتی تهراندا فیلسوفلاردان سوروشموشوق. اما ایندیکی کیمی قانع اولمامیشدوق. بو آغا قبول ائله ییب انگلستانا گلمه یی قبول ائله سه لر، چوخلو اروپا فلسوفلارینی اونلارین محضرینه گتیره روق کی فکر و علم لریندن داها چوخ استفاده اولونسون و بیزیم نظریمیزه اوردا بوردان آرتیق فایدالی اولارلار.

اونلارین تکلیف لری ترجمه اولاندان سونرا آغای خمینی نین جوابینی گؤزلوردوق. اونلارین درس لرینده بیر مدت اولدوغوما گؤره و اونلارین بحثلری نین شیرینلیغی تازا حس ائله دیغیمه گؤره، اورگیمده اونلارین بو تکلیی قبول ائله یی جاقلازیندن و منیم اونلارین محضریندن محروم اولاجایمدان نگران ایدیم.

ذهنیمدن بو خیالات گنچرکن آقای خمینی خاص حالتینن مترجمه دئی: بو آغالار دئی کی آقای بروجردی نین درس محضرینده بیر ساعت اولماغی انگلستان حکومتینه وئرمه رم!